

COMUNICATO n. 82 del 17/01/2024

Traduzione in mòcheno

## Bando glaichen rèchtn 2024: riven, ovòlln, toalnemm, paitrogn

[Mòcheno] Der target van òllgamoà'bando ist gamòcht kemmen ver de sèlln as belln vourstelln projektn ver de glaichen rèchtn ont ver za nemmen vort de znichtekait zbischn de baiber ont de mander. S meing toalnemmen en bando de dinstn as verdea'n nicht, as hom der gasetzsitz oder der òrbetsitz as de lòntschòft van trentin, ont de òllgamoà'dinstn barn meing toalnemmen abia partner. De dinstn enteresiart barn meing vourstelln de vrog van ma'ta as de 15 van genner finz as sperrn se de rifta en eirta as de 13 van hourneng 2024. Men mu' ausschaung der bando as de sait [www.trentinofamiglia.it](http://www.trentinofamiglia.it).

“Der bando bill gem bèrt en de kultur va de glaichen rèchtn keing en de discriminazionen ont va de ònder sait mòchen projektn ver za nemmen vort de znichtekait zbischn de baiber ont de mander - hòt klòfft der assessor en de politik va de familie va de Autonome Provinz va Trea't de Francesca Gerosa. Ont nou - de hòt klòfft - der zil ist der sèll za mòchen projektn as trong òlbe mearer za nèt hom hòrtkaitn ont an to za vortnemmen sa van gòzn ver za hom borega glaichen rèchtn.”

De meing vourtrong de vrong ver en paitrog de dinstn as nèt gabingen as hom de rèchtn as prauchen. De vrong miasn kemmen tschickt en Umse Glaicha rèchtn vourschutz keing de znichtekait ont kriminalitat va de Autonome Provinz va Trea't **en de zait zbischn de 15 van genner ont de 13 van hourneng 2024**. S meing kemmen gem zuagèlt ver projektn as miasn en lònt va de provinz plaim ont de òrbetn miasn kemmen gamòcht vour de 31 van schantònderer 2024, a'ne meing envire trong de zait.

Der paitrog kimmip gem ver en 80 Prozent van gòzn kostn as meing kemmen u'ganommen ont s ist derzelt as en gèltplan as kimmip vourtrong.

De dinstn as vourstelln de vrong ver de projektn as zuanemmen de schualistituzionen ont de kindergòrt aa, miasn earst vrong za meing se innschraim en de provinzal institut ver de learsuach ont ver de learsperimentazion (IPRASE).

De zertifikatn van **Family en Trentin, Family Audit ont Family Audit Executive**, ausgem van Provinzal Dinst ver de social coesion, gem mear bèrt ver de sèlln dinstn as belln vourtrong an projekt. De schòftn as vourtrong de projektn as hom de doin zertifikatn barn krian mearer punktn ver za gem bèrt en ber as òrbetn tuat ver de politik ver en guatstea' va de familie ont van welfare van bèrkn.

**Dokumentazion asn doi link:**

<http://tinyurl.com/bdhw2urf>

**Vrong**

Umse Glaicha rèchtn ver za nemmen vort de znichtekait

Dinst ver de sozialzòmnhòlt

email: [umse.pariopportunita@provincia.tn.it](mailto:umse.pariopportunita@provincia.tn.it)

tel. 0461/493839

**Ibersetz gamòcht van Sprochtirl va de Tolgamoaschòft Hoa Valzegu' ont Bersntol**

(cdt)